

## Beschreibung

müß er in das leiden Christi lassen auff rucken.

Da laßt es sich ansehē als hab iederman jr vergessen/auch Gott/  
Also das vil hierligen vnd abfallen/achtende/Gott sei mit den Tür-  
cken/der in solch sigenn vnd herschafft geb/vnd vergessen des creuz  
Christi/vil legen selbst hand an sich. Da gedencft die glaublos seel  
aller hoffnung einicher erlösung entsetzt/wo sie nit Gott im glauben  
wunderbarlich erhelt/es sei mit jr auß/also dz vil vnder disem creuz  
zu boden fallen.

Also findet man die mägt vnd knecht zusammen geben/besetzen mit  
in ganz heuser/derenn arbeit/kind vnd alles so sie gewinnenn/des  
herrn ist/ganz eygen/das er sie mag tödten/verkauffen wie einn an-  
der vihe/die müssen nachmals iren herrn müßig neern/vnd reich  
machen.

Türcken reuterei ist so einfeltig on allenn pracht/auch vnder den  
herrn/das kein vnbeschnitten hengst reit/vnd also still daher ziehen  
das vnder hundert mal tausent reisiger kaum eines gehört wirt.  
Inn setteln vnd zeumen ist gar kein fürwitz/sonder eitel notturfft  
wirt bei in gespürt.

Sie habē auch ein schlechte einfalt in gebewē/das sie nichts süchen  
dann blosse notturffe/heissen vns verflucht heiden/das wir solich pa-  
last in dis elend bauenn als wolten wir hie ewig leben. Ja auch  
die grossen herin zu sommers zeit/ligen vnd wonen zu feld vnder den  
hütten vnd zelten tag vnd nacht.

Einig gemähel odder bildwerck wirt inn der Türckei nindert ge-  
funden/heissen die Christen gözen diener vnd abgötterer.

So iemand stehend oder auffgericht bei in wie bei vns/das was-  
ser abschläge/der würde für ein verbanten kezer gehalten.

So ein lermenn odder krieg wider die feind irs glaubens erstehet/  
wirts außgeschriben odder allein angesagt/da lauffenn sie selbs zu on  
gebott vnd hoffnung einigs solds/der meist theil auff jr eigen kost/  
Da ist nicht dann jubel vnd frolocken.

Bei in ist einn solich zucht durch auß in allem land/das bei in einn  
schand ware/so ein weib inner vnd außser des hauf mit blossen an-  
gesicht sich ander männer sehen ließ/vnd werden der Türcken wei-  
ber auff das einfeltigst/schlechtest/doch sauber gekleydet.

Vnd